

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

- प्रधानमंत्री नरेंद्र मोदी होरें मारिशस दे अपने हमरूतबा नवीन रामगुलाम हुंदे कन्नै प्रतिनिधिमंडल दी वार्ता कीती। दवैं मुल्ले 8 समझौता ज्ञापनं उपपर दस्तखत कीते।
- केंद्री युवा मामले ते खेड्ड मंत्री मनसुख मांडविया होरें मुखमंत्री उमर अब्दुल्ला हुंदे कन्नै मलाटी करी जम्मू-कश्मीर च नौजवानें लेई रोजगार दे मौके पैदा करने ते खेड्डें गी बढावा देने बारै व्यापक चर्चा कीती।
- उपमुखमंत्री होरें विधानसभा च जानकारी दित्ती जे चनाऽ दरेआ उपपर बनारदा 41 करोड़ 78 लख दी लागत आहला मैत्रा पुल अगले बरे अगस्त तगर मुकम्मल होई जाग।
- जल शक्ति मंत्री जावेद राणा होरें आखेआ जे जम्मू खित्ते च गंदे पानी गी साफ करने आहिलियां 11 प्रणालिया स्थापित कीतियां जाडन।
- गुलमर्ग च खेलो इंडिया स्यालू खेड्डें दा 5मां संस्करण कामयाबी कन्नै समाप्त होआ।

<><><><><><>

PM-Talks

प्रधानमंत्री नरेंद्र मोदी हुंदी 2 दिनें दे मारीशस यात्रा कामयाबी कन्नै सम्पन्न होई गई ऐ। प्रधानमंत्री नरेंद्र मोदी होरें अपने 2 दिनें दे औपचारिक, मारिशस दौरे दौरान मारिशस दे अपने जोड़ीदार नवीन रामगुलाम हुंदे कन्नै प्रतिनिधिमंडल स्तर दी गल्लबात कीती। इस दौरान दवैं मुल्ले बश्कार केई महत्वपूर्ण समझौते उपपर दस्तखत कीते गे। मीटिंग च 8 समझौता ज्ञापनं जिंदे च मुकामी मुद्रा निपटान प्रणाली दोआर सुविधा समझौता राजदूतें लेई सिखलाई सरबन्धी प्रोग्राम माली अपराधें शा निब्वडने लेई महत्वपूर्ण जानकारीयें अगेत्रे गै सांझे करने,

लौहके, भलेआं लौहके उद्योगें दे खेत्तर च सहयोग ते सुशासन लेई सरकारी अधिकारियें दा प्रशिक्षण सरंबंधी समझौते पत्र शामिल हे। इस मौके उपपर बोलदे होई प्रधानमंत्री नरेंद्र मोदी होरें गलाया।

प्रधानमंत्री नरेंद्र मोदी होरें मारिशस दा अपना दौरा सम्पन्न करी लैता ऐ।

<><><><><><>

Mandviya

केंद्री युवा मामले ते खेड्डू मंत्री मनसुख मांडविया होरें अज्ज मुखमंत्री उमर अबदुल्ला हुंदे कन्नै मलाटी कीती ते खित्ते दे नौजवानें कन्नै सरबन्धत बक्ख-बक्ख महत्वपूर्ण मुद्दें उपपर विचार-विमर्श कीता। दवैं लीडरें नौजवानें लेई रोजगार दे मौके पैदा करने ते खेड्डुं गी भागीदारी ते सशक्तिकरण दे तौरा उपपर बढ़ावा देने उपपर ध्यान केंद्रित कीता। इस वार्ता दा उद्देश्य, सामुदायिक खेत्तरें दे विकास च खेड्डुं दी भूमिका गी बढ़ावा देना ते नौजवानें गी बक्ख-बक्ख गतिविधियें च शामिल करना हा। दवैं लीडरें जम्मू-कश्मीर दे नौजवानें लेई सनैहरे भविष्य दी कामना बी कीती।

<><><><><><>

Zero Hour Concerns

जम्मू-कश्मीर विधानसभा च अज्ज सोआलें दे समें दरान केई सारे विधायकें, अपने सरबन्धत हलकें च लोकें कन्नै सरबन्धत महत्वपूर्ण मामलें गी पुट्टेआ। गुलाबगढ़ थमां विधायक इंजीनियर खुर्शीद अहमद होरें रियासी जिले च हाल च होए दे सिडक हादसे च जख्मीं लोकें लेई बेह्तरीन मेडिकल सहूलतें दी जरूरतें पर जोर पाया। कश्मीर संभाग थमां केई सारे विधायकें, खासतौर उपपर रमज़ान दे पवित्तर म्हीने दरान स्ट्रीट लाईटां लाए जाने च होआ करदे चिर दा मामला पुट्टेआ। विधायक अर्जुन सिंह राजू होरें रामबन च होर मते राशन डिपुएं दी जरूरतें पर जोर पाया जिसलै के विधायक सज्जाद शाहीन होरें बनिहाल च खाली गेदी एसडीएम दी असामी गी फौरी तौर उपपर पुर कीते जाने दी मंग सदन च पुट्टी।

<><><><><><>

Dy CM

उपमुख्यमंत्री सुरिंद्र चौधरी होरें आखेआ जे चुनां दरेआ उप्पर बना'रदा 41 करोड़ 78 लक्ख दी लागत आहला मैत्रा रामबन पुल दा निर्माण कम्म अगले बरे 2026 तगर मुकम्मल होई जाग। विधानसभा च अज्ज एमएलए अर्जुन सिंह राजू हुंदे सवाला दा परता दिंदे होई उनें दस्सेआ जे 4 लेन आहले रामबन फ्लाई ओवर उप्पर जरनैली शिड़के सरबन्धी राश्ट्रीय प्राधिकरण दियें बंदशें दे चलदे इस निर्माण कम्मा च देरी होई ऐ। इस पुल दी हून उंचाई बधाइयै इसी पराने जरनैली शिड़क आहले रस्तेआ तोड़ चाढ़ेआ जाग। उपमुख्यमंत्री होरें दस्सेआ जे अजें तगर इस पुल दे निर्माण उप्पर 21 करोड़ 10 लक्ख रपे जारी कीते गेन।

<><><><><><>

Dy CM Dhar Road Udh

उपमुख्यमंत्री सुरिंदर चौधरी होरें आखेआ ऐ जे धार-उधमपुर सिड़क गी 2 लेन थमां 4 लेन बनाइयै ओहदा दर्जा बधाने दा प्रस्ताव सीमा सड़क संगठन दे प्रोजेक्ट संपर्क आसेआ कीता गेआ ऐ ते इस मामले गी अगगे मंजूरी लेई फौज दी उत्तरी कमान कश बी भेजी दित्ता गेदा ऐ। उपमुख्यमंत्री होर सतीश कुमार शर्मा हुंदे आसेआ पुच्छे गेदे इक सोआलै दा परता देआ करदे हे। उनें गलाया जे मंजूरी थहोई जाने पर बीआरओ आसेआ इस सिड़कै दा दर्जा बधाने ते इसी 4-लेन बनाने दे कम्मै गी हत्थै च लैता जाहग। विधायक बलवंत सिंह मनकोटिया, राजीव जसरोटिया ते पवन गुप्ता होरें एहदे पर जिमनी सोआल पुच्छे।

<><><><><><>

Rivers Health

जल शक्ति मैहकमे दे मंत्री जावेद अहमद राणा होरें अज्ज सदन गी जानकारी दित्ती जे जम्मू खित्ते च चिनाब ते रावी दरेयाएं गी प्रभावित करने आहली पर्यावरण सरबन्धी चुनौतिएं ते प्रदूषण दी समस्या गी हल करने लेई केई हीले कीते गे न। विधायक देवेन्द्र कुमार मनेयाल हुंदे आसेआ पुच्छे गेदे इक सोआलै दा परता दिंदे होई मंत्री होरें ग्रामीण विकास विभाग दे राहें जम्मू संभाग दे बक्ख-बक्ख जिलें च गंदे पानी गी साफ करने आहली 11 प्रणालियां स्थापित करने दा प्रावधान ऐ। उनें इब्बी दससेआ जे इंदे चा 4 प्रणालिएं पर कम्म शुरु करी दित्ता गेदा ऐ ते एहदा मकसद इनें दरेयाएं दी सेहतू च सुधार आहनना ऐ।

Govt. Dumping Itoo

जम्मू-कश्मीर सरकारै ठोस कूड़े-कचरे गी खपाने आहले रिवायती ढंगै-सरिस्तें दी थाह हून साईसी ते टिकाऊ ढंग-तरीके अपनाने दी जरूरतै पर जोर पाया ऐ। विधायक जी.ए. मीर हुंदी थाह, निज़ाम-उद-दीन भट्ट हुंदे आसेआ पुच्छे गेदे इक सोआलै दा परता दिंदे होई सेहत मंत्री सकीना इतू होरें सदन गी जानकारी दिती जे सरकार, ठोस कूड़े-कचरे दे प्रबंधन आहली साईसी प्रणाली गी अमल च आहन्ना करदी ऐ जिंदे च घर-घर जाइयै कूड़ा किट्टा करने दी बवस्था, कूड़े गी खपाने आहली थाहें गी बायो-पार्कें च तब्दील करने ते कूड़े दे साईसी प्रबंधन आहले केन्द्रें दे निर्माण जनेय हीले शामिल न।

Khelo India

गुलमर्ग च आयोजित खेलो इंडिया विंटर गेम्स 2025 दा 5मां संस्करण अज्ज कामयाबी कन्नै संपन्न होई गेआ। मुख्य भरै थमां आए दे खड्डारिएं इनें स्यालु खेड्डें दरान एल्पाईन स्कीमंग, नार्डिक स्कींग, स्कीं माउंटेनियरिंग ते स्नोबोर्डिंग दे मुकाबलें च अपना दम-खम दस्सेआ। इस संस्करण च सेना नै 18 तगमे जित्तियै पैहली थाह हासल कीती जदके हिमाचल प्रदेश दुए नम्बरै पर रेया। 3 सुन्ने दे तगमें कन्नै लद्दाख, इनें स्यालु खेड्डें च त्रीये नम्बरै पर रेया जदके जम्मू-कश्मीर गी 9मीं थाह हासल होई। खेलो इंडिया विंटर गेम्स दे 5में संस्करण च जम्मू-कश्मीर गी सुन्ने दे 2 तगमें सने, चांदी ते कैहू दा बी इक-इक तगमा हासल होआ। युवा मामलें ते खेड्डें सरबन्धी मैहकमे दे केन्द्री मंत्री मनसुख मांडविया होरें गुलमर्ग क्लब च आयोजित समापन समारोह च मुख् परौहने दे तौर उप्पर हिस्सा लैता ते मुख्य भरै थमां आए दे खड्डारिएं दा दिल बधाया। मुख् ओमर अब्दुल्ला होर इस कार्यक्रम च खास तौरा पर मजूद हे। इस मौके उप्पर अपने संबोधन च केन्द्री मंत्री डाक्टर मनसुख मांडविया होरें आखेआ

तोआई इस मौके उप्पर मीडिया कन्नै गल्लबात करदे होई मुख्मंत्री ओमर अब्दुल्ला होरें आखेआ जे गुलमर्ग च स्यालु खेड्डें दा इक उत्कृष्टता केन्द्र बनाने दा फैसला, इक सोआगत-जोग गैहू ऐ। उनें आखेआ

HADP

रियासी च समग्र कृषि विकास प्रोग्राम, राई-बाई दे खेत्तर च नमें बदलाव लेआ'रदा ऐ ते करसानें गी आर्थिक तौरा पर सशक्त बना'रदा ऐ। करसान हून सिखलाई ते सब्सिडी दी मदाद कन्नै सरकार दी तरफा वित्तीय मदाद हासल करा'रदे ना। अधिकारी मते शा मते करसानें गी राई-बाई दे नमें तौर तरीके अपनाने लेई उंदा दिनल बधारदे ना। साहडे जिला संवाददाता कन्नै गल्ल करदे होई बागा गांS दे इक करसान सुरिंद्र सिंह होरें गलाया।

<><><><><><>

Doda Town Diwas

जिला प्रशासन डोडा आसेआ औंदे होली ते ईद-उल-फिर दे ध्यारें दे मद्देनज़र कीते जा करदे ट्रैफिक प्रबंधन ते होरनें दुइए तैयारिएं पर चर्चा लेई 'टाउन दिवस' नांS दे इक कार्यक्रम दा सरिस्ता कीता गेआ। इस कार्यक्रमै च सिविल समाज दे सदस्यें, धार्मिक संगठनें ते ट्रांसपोर्ट युनियन दे नुमाइंदें सने डोडा दे एसएसपी, ट्रैफिक पुलसा दे एसएसपी ते होरनें सीनियर ऐहलकारें बी हिस्सा लैता। डोडा दे डिप्टी कमिशनर हरविंदर सिंह होरें इस मौके उप्पर ट्रैफिक दे रश गी घट्ट करने ते ध्यारी रूतै दरान बवस्थित ढंगै सिर बंदोबस्ते गी मुक्कदा रूप देने लेई सांझे जतनें दे महत्वै पर लोऽ पाई। स्हाडे जिला संवाददाता कन्नै गल्ल करदे होई उ'नें आखेआ

<><><><><><>